



UNIVERSITÄTS-  
BIBLIOTHEK  
PADERBORN

**Semita Perfectionis Purgativa, Illuminativa, Et Unitiva**

**Dirckinck, Johann**

**Coloniae Agrippinae, 1705**

**VD18 15298639**

9. Cognitio & amor bonitatis.

---

---

**Nutzungsbedingungen**

[urn:nbn:de:hbz:466:1-55242](http://urn:nbn:de:hbz:466:1-55242)

verberat. Illucesce, obsecro, & tenebras  
meas discutiens, velut per simulacrum, radium  
in cordis mei penetralia immittit; ut in lu-  
mine tuo ambulans, perfectè vivam, & dili-  
gam Te: obligationi meæ satisfaciam, atque  
in sanctitate & justitia omnibus diebus vita  
meæ tibi serviam ac placeam.

### Aspirations.

I. O altitudo divitiarum sapientia & scien-  
tia Dei, quam incomprehensibilia sunt ju-  
dicia ejus, & inestigabiles via ejus! Ad  
Rom. c. II. v. 33.

II. Cognoscam Te, Domine, Cognitor  
meus! Diligam Te, Domine, virtus mea!  
Te sapienter amor sapiens diligit. S. Aug.  
solil. c. I.

III. O infinita sapientia, da mihi veram  
sapientiam, & scientiam sanctorum; ut Te  
in veritate cognoscam, ac toto corde di-  
ligam.

### P A S S U S IX.

#### Cognitio & Dilectio Boni- tatis DEI.

#### TEXTUS.

*Ego ostendam tibi omne bonum.*  
Exodi c. 33.

*Cogni-*

*Cognitio.*

I. IN Te, DEUS meus, est omnis boni plenitudo: nullum enim bonum exco-  
gitari potest, quod in Te non eminentissimè & perfectissimè contineatur. In Te est in-  
finita amabilitas & sanctitas: infinita lux & claritas: infinita pulchritudo & majestas:  
infinitum gaudium & voluptas: potentia,  
sapientia & bonitas: dulcedo gloriæ & beat-  
titas. Imò hæc omnia, Tu ipse es, altissimo  
& perfectissimo modo, per essentiam tuam.

II. Tu es fons inexhaustus omnium bo-  
norum, bonorum, quæ in angelis & homi-  
nibus, cæterisque creatis reperiuntur. Omnia  
à Te sunt, & fluunt, & absque Te conservari  
nequeunt; & comparatione boni tui infiniti  
velut guttulæ sunt roris antelucani, quas in  
omnes & omnia dispergis.

III. Tu es immensus bonitatis naturalis  
& moralis oceanus, qui continere se nequit,  
quin indesinenter effluat, & exuberet in  
omnes, atque etiam in me facturam tuam:  
inde enim habeo, quidquid sum & valeo,  
inde meum esse, vivere, crescere, sentire,  
intelligere, velle, cunctaque dona naturalia  
& supernaturalia profluxere, ac denique  
dona æternæ gloriæ saturient.

*Dilectio.*

○ bonum super omne bonum! ○ bonum  
con-

continens omne bonum! ô bonum in omni genere bonum! omnis boni Conditor & origo! bonum super omne bonum, à mente creata excogitabile, infinitè elevatum! Cur ego Te non ardentiùs diligo? Hinc est, Domine, quòd non tantum diligo, quantum debedo, quia non plenè cognosco Te: sed quia parùm cognosco, parùm diligo: & quia parùm diligo, parùm in Te gaudeo. S. Aug. solil. c. i. Da ut cognoscam Te amplius ac diligam!

Confundor sanè, & ad exilitatem amoris mei erubesco: bonum terrenum, bonum eaducum, imò boni umbra universam creaturam trahit: hoc tantos in mundo motus excitat: quidquid enim agitur, quidquid moveretur, quidquid operatur; boni appetitu agitur, movetur & operatur. Si umbra tantum trahit, quid facere debet veritas? Cur ergo per multa vagari homuncio, querendo bona anima sua & corporis? Amum bonum, in quo sunt omnia bona, & sufficit. Desidera simplex bonum, quod est omne bonum, & satius est. S. Aug. in Manuali c. 34.

O cœcitas mortalium: si in stillulam, id est, in rem creatam, tanto impetu rapi-mur; quanto magis in infinitum omnis boni oceanum, id est in Creatorem, rapiamur necesse est? Amo Te Deus meus amore ma-

magno, & omnium Angelorum & hominum amorem habere desidero. Iubes Te diligi, da, quod iubes, & jube quod vis.

Aspirations.

I. Confitemini Domino, quoniam bonus; quoniam in seculum misericordia Ejus. Psal. 106.

II. Amplectar Te bonum, sine quo nihil bonum! Amplectar Te optimum, sine quo nihil optimum! S. Aug. soliloq. c. 1.

III. O Bonum super omne bonum, Bonum summum, bonum increatum, amo Te super omne bonum creatum: & millies amplius amare Te desidero.

P A S S U S X.

Cognitio & amor dulcedinis DEI.

T E X T U S.

Gustate & videte, quoniam suavis est Dominus. Psal. 33.9.

Cognitio.

I. TU Domine Deus meus, es tibi ipsi dulcedo infinita: es enim objectum omne